

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268975 25 St
Zenica, 11.02.2026. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, protiv protupredlagatelja društva Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva, za otvaranje stečajnog postupka nad samim sobom kao stečajnim dužnikom, donio je 11.02.2026. godine sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom Nova Željezara Zenica, d.o.o., ul. Bulevar Kralja Tvrtka I broj 17., Zenica.

1. Za privremenog stečajnog upravitelja imenuje se Jasmin Hadžirašidović iz Zenice, ul. Prve zeničke brigade 152.
2. Privremeni stečajni upravitelj dužan je:
 - utvrditi da li postoje razlozi i uvjeti za otvaranje i vođenje stečajnog postupka, te podnijeti izvještaj sudu u roku od 30 dana.
 - utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
 - obezbijediti imovinu i starati se o imovini dužnika,
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
 - ispitati da li imovina stečajnog dužnika može pokriti troškove stečajnog postupka
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
 - dužan je da stečajnom sucu položi račun i podnese izvještaj o svom radu za period privremene uprave.
3. Ročište radi utvrđivanja uvjeta za otvaranje stečajnog postupka određuje se za dan 25.06.2026. godine u 12,00 sati u zgradi ovog suda sudnica broj 29/II.
4. Na ročište se pozivaju:

Predlagatelj: Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva,

Protupredlagatelj: Nova Željezara Zenica, d.o.o., ul. Bulevar Kralja Tvrtka I broj 17., Zenica, koga zastupa Ahmed Hamzić, generalni direktor društva

i

2. Privremeni stečajni upravitelj: Jasmin Hadžirašidović, ul. Prve zeničke brigade 152., Zenica.

5. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 17.12.2025. godine u kojem navodi da se društvo već duži period nalazi u stanju insolventnosti odnosno platežnoj nesposobnosti da ispunjava svoje dospjele obaveze u zakonom propisanom roku što predstavlja osnovni razlog za pokretanje stečajnog postupka, te da su upotpunosti ispunjeni uvjeti iz čl. 6. Zakona o stečaju. Predlagatelj također navodi da pored platežne nesposobnosti društvo ispunjava i drugi razlog, izuzetno prijeteća platežna nesposobnost koja će nastupiti posebno u narednih 12 mjeseci, navodi dalje da se dospjele obaveze znatno povećavaju zadnjih godina te da sa 31.12.2024. godine iznose 337.427.277,00 KM, a sa 30.11.2025. godine iznose 350.796.925 KM, te predlaže da Općinski sud što hitnije otvori stečajni postupak.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravitelja Hadžirašidović Jasmina sa liste stečajnih upravitelja, te mu naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/2021 i 19/2025).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:
Protiv ovog rješenja nije dozvoljena žalba

Stečajna sutkinja
Sanja Pavlić, s.r.